

Бомдод намозидаги қироат | Ҳадис дарслари (328-дарс)



19:00 / 14.05.2025 2145

???? ?????????????????????????????????

??

??

??

??

Абу Барза розияллоҳу анҳудан ривоят қилинади:

«Расулуллоҳ соллаллоҳу алайҳи васаллам Бомдод намозида олтмиш (оят)дан юзтагача қироат қилар эдилар».

Икки Шайх ва Термизий ривоят қилганлар.

Шарҳ: Ушбу миқдор Имом Табаронийнинг ривоятида Ал-Ҳааққо сурасича, деб кўрсатилган экан.

???? ??????? ????? ?????????? ????? ??????? ???????
?????: ????? ?????????????? ?????? ?????? ??????????
???????????? ?????? ????????????? ??? ????????????? ???
????????????????? ?????????????????? ?????????????? ??????????????
????????? ?????????????????? ?????????? ??????????????
??.

Жобир ибн Самура розияллоҳу анҳудан ривоят қилинади:

«Набий соллаллоҳу алайҳи васаллам Бомдод намозида «Қоф вал Қуръанил Мажийд»ни қироат қилар эдилар. Бундан кейинги намозлари енгил бўлар эди».

Муслим ва Термизий ривоят қилганлар.

Шарҳ: Бу ҳодисада оятнинг сони эмас, Бомдодда қироат қилинган муайян сура – Қоф сурасининг номи зикр қилинмоқда. Шу билан бирга, бошқа намозларнинг енгил бўлиши ҳам айтилмоқда. Буни айниқса имомлар яхши эслаб қолишлари лозим.

???? ?????????? ????? ?????????????? ?????? ??????? ???????
?????: ?????????????? ?????????????? ?????????? ?????????????????? ??????????

????? ?????????? ?????????? ?????????? ??? ??????????

????????????? ?????? ?????????? ????????????????

????????????? ?????????????? ?????????????? ??????

??????????. ?????????? ?????? ?????????? ??????????????.

Амр ибн Ҳурайс розияллоҳу анҳудан ривоят қилинади:

«Мен худди Набий соллаллоҳу алайҳи васалламнинг Бомдод намозида «Фала уқсиму билхуннаси, ал-жаварил куннаси, вал лайли иза асъаса» деб ўқиётган овозларини эшитиб тургандекман».

Абу Довуд ва Муслим ривоят қилганлар.

Шарҳ: Демак, Амр ибн Ҳурайс розияллоҳу анҳу Набий соллаллоҳу алайҳи васалламнинг Бомдод намозида «Изаш-шамсу куввирот» сурасини қироат қилганларини эшитган эканлар.

Хулоса қилиб айтадиган бўлсак, ушбу ҳадисларни, намоздаги қироат ҳақида келган бошқа ҳадисларни ҳам ўрганиб чиққандан кейин Пайғамбаримиз соллаллоҳу алайҳи васаллам намозларида қироатни ҳолатга қараб қилганликлари билинади. Лекин Бомдод намозида бошқа намозлардан фарқли ўлароқ, узоқ тиловат қилганлари аниқ. Алҳамдулиллаҳ, ҳозирги кунда мусулмонлар бу нарсани яхши ўзлаштирганлар.

????????????????????? ???????????????: ???????

????????????? ??????? ?????? ?????????? ?????????????? ???

????????????? ??????????????????????.

Термизий ва Ҳокимнинг ривоятида:

«Набий соллаллоҳу алайҳи васаллам Бомдодда «Воқеъа»ни қироат қилдилар», дейилган.

Шарҳ: Демак, Бомдодда ушбу сура ва шу ҳажмдаги бошқа сураларни қироат қилса бўлар экан.

???? ?????? ?????? ???? ????????????? ?????? ??????

?????? ??????: ?????? ?????? ????????????? ??????

????? ?????????? ????????????? ????????????? ?????????????

????????????????? ?????????? ?????????????????????? ????????

?????? ?????????? ?????????? ?????????????????? ?????? ?????????? ????????

????????????????? ?????????????? ?????????????? ??????????

?????????????????.

Абдуллоҳ ибн Сааиб розияллоҳу анҳудан ривоят қилинади:

«Набий соллаллоҳу алайҳи васаллам бизга Маккада Бомдодни ўқиб бердилар. Мўминун сурасини бошлаб, Мусо ва Ҳоруннинг ёки Ийсонинг зикрига келганларида у зотни йўтал тутиб қолди ва рукуъ қилдилар».

Шарҳ: Демак, қироатга халақит берадиган ҳолат юз берганда рукуъга кетиш жоиз экан.

«Ҳадис ва ҳаёт» китобининг 4-жузи асосида тайёрланди.